

DRUGA GIMNAZIJA SARAJEVO

Znam da je škola ustanova čiji je zadatak prenositi znanje na mlade ljude, ali sada znam da je u tome najbolja moja škola „Druga gimnazija Sarajevo“.

Kroz historiju je promijenila ukupno deset naziva, a naziv Druga gimnazija Sarajevo je dobila prvi put 1922. godine. Danas je to jedna moderna srednjoškolska ustanova koja svoje učenike obrazuje po najvišim međunarodnim standardima i u kojoj radi visokokvalificirano osoblje. Škola svakodnevno bilježi uspjehe i osvojene nagrade. Trenutno je jedna od tri škole u Bosni i Hercegovini koja učenicima nudi IB diplomu.

Dan škole ove 2020. godine ću pamtit po novonastaloj situaciji epidemije koronavirusa. Uvedena je online nastava, koja je veliki izazov kako za nas tako i za profesore, jer smo u kućnoj izolaciji. Nadam se da ćemo uspješno i relativno brzo prebroditi ovu krizu i konačno se vratiti normalnome životu i sjesti u naše školske klupe. **Online nastava mi je ukazala koliko treba cijeliti zdravlje i koliko mi nedostaju škola, prijatelji, školsko zvono, veliki odmor, graja učenika kada užurbano prelazimo iz kabineta u kabinet.**

Nadam se da će škola jednog dana biti ponosna na našu generaciju, koja je u trenucima koronavirusa uspješno obavljala zadatke putem online nastave. Također, svim zaposlenima i učenicima Druge gimnazije Sarajevo čestitam ovaj značajan dan 6. april, koji je ujedno i Dan grada Sarajeva.

Nejra Mehić I-2